

Yakobbi Chogsne Chagdis.

Yakobbi chagdissi skor.

I chagdis dia dzadkanboe khoran̄a Yakob zerdug. I mibo Tsoo Yeshui nogunni nan̄e cig yan̄ Yerushalemmi chostshogssi uskyon̄ inkanbo n̄adan̄a gyuntshan man̄po gyudte hagoanog.

Chossi khaspa man̄poe i chagdispo Yeshu don̄ste santea zhan̄ste stin̄e, lo 13 mi nyekhorla dia dzadte inkanbo samcespoe, i chagdispo zhalchad some tshan̄mesan̄ goma dia dzadkanni specha cigcig inkanbo hagoanog.

I chagdispo jigstenni nan̄a yante yodkan Konchoggi mirigs rcugnyispa dia dzadte innog. Khaspa man̄poe Yakobbi ibo Yahudapa Mashikapagunla dia dzadkanbo sammanog. I chagdis ditshulboe te speragunla gyabskyor coanog.

Yakobbi chagdis dicessi gyuntshanbo, i chagdis silkangunla tatpa coad cigpo mazerra zhagdan̄i lassi nan̄a tebo laglen coste stancesla spospa tan̄cespo innog. Khoṅṅi tatpacangunni mitshee nan̄a hagogoshes tan̄ gyurja khyon̄goscescanni izug spera riggi skorla molla dzaddug.

Tan̄po, sdugsnal n̄adan̄i phia kazuggi phanthogscan in.

Nyispa, Mashikapa nyalbacan tan̄ chugpoe nan̄a yaphes maco.

Sumpa, dadpaa laglen coste ston.

Zhipa, kane spera nan̄pagun biṅ macug.

Ṣṅapa, chugpogunni nyalbacangunla tshod macad.

Ḍugpa, moslam ni khyudcan in.

Rdunpa, sdigpe nan̄a gyelkanni Mashikapagun skyobces.

Yakobbi chogsne ju.

1:1

1¹ Na Yakob, Konchog tan̄ Tsoo Yeshu mashike zhabstogpazhig in.

De i igebo, jigsten gan̄poe nan̄a khyabste yodkan Konchoggi mirigs rcugnyisgunla diad. Khyozhagunla n̄e ju zhuad.

Idshes tañ shesrabs.**1:2 ne 18**

² Ñe spun tañ spunmo gun, khyozhaa nagsbardo thonñacig, ibo ma skyidpo yonçessi skabsshig innog samgos. ³ Ciazerna khyozhagunni tatpa tshodlta cuñ zane, khyozhagunni snyinrusgunla ldancesi skabs thobcespo gyusinnog.

⁴ Tene ibo ldancugshig ciazerna nam khyozhagunni snyinrusgun gañpo ldanna khyozhagun dadpe nañña chatshañ ldante, cañ gosdom medkan rig gyurin.

⁵ Galtes khyozhaa suzhigga shesrabs gosna, snyin pheste salkanni ñadañgunni Konchogga zhus. Khoññi tebo khyorañña salla dzadin. Khoññi khyorañña zhuwa phulçessi phia khaskyea midzad. ⁶ Innañ khyoraññi zhuwa phul zane, thetshoms macoa thobbanog samste idshes cogos, ciazerna thetshoms cokanni mibo tshoe chulbag tsogsshig innog, kabo luñstshubssi inña aña thidte khyerranog.

⁷ Thetshomscanni miboe Tsooe kane cañ thobçessi rewa bor magos. ⁸ Ciazerna khoe semspo Konchog tañ jigsten nyiskoe chogsla yodte innog, yañ las tshañme nañña stanpo medte innog.

⁹ Tatpa yodkan nyamshuñ nyalbacangunni, thadpo cogoshes innog ciazerna Konchoggi khoñgunla stsiwa coa dzadte innog. ¹⁰ Innañ chugpogunniañ, Konchoggi khoñgun pasmo coa dzadçespoeka thadpo cogoshes innog, khoñgun zhiññi mentog yolte chaa tsogsla, medkan chen. ¹¹ Nyima tshante sharte stsagun mea şagte, mentog chuñunbo budte, yañ teboe dzespobo medkan chanog. Tenna tsogsla norri gyabne bañtañin yoddi tusla, chugpogunnañ medkan chen.

¹² Snyinrus nyampo sdugsñal khurkangunla, cinlabs salin. Ciazerna tshodlte nañña tharkhyel chakangunla, Konchoggi thamedpe mitshee thorshogpo salla dzadin, kabo Konchoggi khoñña cessa cokangunla salçessi zhalchad dzadte in. ¹³ Namzhig khyorañña sdigpa cocessi dodpa skyena Konchoggi ñaa sdigpe nañña gyelcugçessi stsonðus dzadte innog mazershig. Konchoggi thugsdoddi nañña ñanpa cocespo mane medkyag, matshad khoññi suzhiggañ sdigpa cocessi dodpe nañña gyel cugga mane dzadda manog. ¹⁴ Sdigpa cocessi dodpagun ñadañraññi sems ñanpe nañne yonñanog, kaboe ñadañgunla gobskorte Konchogne thagriñña thidte khyerranog. ¹⁵ I dodpagunni sdigpe lasgun skye cugganog, yañ sdigpabo ldancugna, teboe shicespo skye cugganog.

¹⁶ Ñe cespe spun tañ spunmo gun, gobskor macugshig. ¹⁷ Zañpo tañ dzomspo skyegun, namkhe od tshañma coa dzadkanni, ñadañgunni yab Konchogne

yoŋŋanog. Khoŋ, tegun ya tegunni tibkyag tsogsla gyurra mane dzadda manog.
¹⁸ Khoŋraŋŋi denbe ka gyudte, khoŋŋi ŋadaŋgunla mitshe somazhig salcesla
 Idamma dzadte, ŋadaŋgun khoŋŋi dzadpagunni ʈone tshaŋmesaŋ rincan thea dzads.

Nyances yaŋ laglen coces.

1:19 ne 27

¹⁹ De cespe spun taŋ spunmo gun, khyozhagunni zhanmagunla gyalla coste
 nyonshig, samba taŋste spera toŋshig, yaŋ ʂo yoŋchogchogshig yoŋ magos.

²⁰ Ciazerna ʂoe mizhiggi naŋŋa Konchog thugsthadkanni ɔaŋpo lasgun smincugga
 manog. ²¹ Teboephia khyozhagunni mitshee naŋŋa yodkanni stsogpo taŋ ŋanpa
 tshaŋma phonshig. Yaŋ pasmo coste Konchoggi khyozhagunni semssi naŋŋa borra
 dzadkanni kagunla kanyonshig, kaboa khyozhagun tharcugcessi khyud yodte
 innog.

²² Innaŋ Konchoggi kagunla nyances cigpo manpa, tegunnika laglen cogos. Te
 manna, khyozhagunni raŋdaŋraŋŋa gobskorte innog. ²³ Galtes khyozhe Konchoggi
 kagun nyante laglenni naŋŋa makhyoŋna, te mibo tsogs innog, kaboe meloŋŋi
 naŋŋa khoranŋi ldoŋŋa stad, ²⁴ yaŋ thoŋte stiŋne tekane soŋte tennamalla khoranŋ
 kazugshig thoŋkanbo rjeddanog. ²⁵ Innaŋ galtes khyozhagunni dzomspo ʈimspo
 salpo coste hagogessi stsonɔus cona, kaboe raŋwaŋ taŋŋad. Yaŋ galtes zerte
 yodkangun coste tshorkangun rjed marjedna, Konchoggi khyozhagunla tezug
 cocessi phia cinlabs salla dzadin.

²⁶ Galtes khyozhagun chospazhig in zerradna innaŋ raŋŋi lceboika nyara gyabste
 borra medna, khyozhagunni raŋdaŋraŋŋa gobskorte, khyozhagunni chospo
 rinmedzhig gyurte innog. ²⁷ Konchog yabbi skundunla stsaŋma taŋ ŋospoe chossi
 tontagpo ni, phama medkanni ʈugugun taŋ ane maraŋmo gunla, nagsbardoe tusla
 stastog coces, yaŋ jigstenni las ŋanpagunni naŋŋa maɔessa raŋdaŋraŋ skyobste
 borcespo innog.

Chogsrissi gyabgalla ldamzhag.

2:1 ne 13

2 ¹ De spun taŋ spunmo gun, galtes khyozhagunni chogris coadna, khyozhe
 ŋadaŋgunni zirrijidcanni Tsoo Yesu mashike naŋŋa tatpa yod zerte kazuggi
 zer thubin.

² Sperna mizhig serri serdub tagste rincan koslag gonte, yaŋ mi nyalbacanzhig snyiŋpa koslag chadkan gonte khyozhagunni chostshogssi naŋŋa yoŋna,

³ khyozhagunni mi chugpoboa migsalli snaŋŋa taŋste khoa, "Juju i stsiwacanni nasseka zhugsa dzad", innaŋ mi nyalbacanboa, "Khyoraŋ aka laŋste dug" ya "De kaŋpe dunla seka dug" zerna, ⁴ tene ci i chogsrispoe, khyozhaa khyozharaŋŋi dodpa ŋanpagunni thidte manogga?

⁵ De cespe spun taŋ spunmo gun nyonshig, ci Konchoggi i jigstenni naŋŋa nyalbacangun dadpe naŋŋa chugpo gyurcessi phia ldamma dzadte manogga? Yaŋ khoŋgunla Konchoggi gyalŋidpo mithobba, kabo Konchoggi khoŋŋa cespa cokangunla salcesla zhalchad dzadte in? ⁶ Innaŋ khyozhagunni nyalbacangunla stsiwa macoa innog. Ci khyozhagunla gobnon taŋste thimskhuŋŋa khyerkangun, te chugpogun manna? ⁷ Ci ŋadaŋŋi Tsoo Yesu mashike tshan zaŋpoa ŋanpa zerkan tennagun manna?

⁸ Galtes khyozhagunni dampe suŋrabssi naŋŋa yodkanni gyalthims "Zhanmagunla raŋŋa cokaŋ tsogssi cespa coshig" molkanboa denbaa kanyanna, tene khyozhagunni daŋpo coste innog.^a ⁹ Innaŋ galtes khyozhagunni chogs cona sdigpa coste, khyozhaa Konchoggi thimspo cagcesla noŋscan innog.

¹⁰ Mizhiggi thims cigcig cagste zhantshaŋma khaa nyannaŋ khoe Konchoggi thims tshaŋma cagkan taŋtsogs innog. ¹¹ Sperna Konchoggi molte innog "Zhanme zhidmadzhig nyampo lusdel maco"^b Yaŋ "Mi masad"^c Galtes khyoraŋŋi zhanme zhidmad nyampo lusdel coa meddo, innaŋ mizhig sadna, tene Konchoggi thims cagste khyoraŋ noŋscan gyurte innog.

¹² Tene zerkan ya cokangunla raŋwaŋ salkanni thimspoe khyozhaa thimscad taŋcespo idtu coshig. ¹³ Snyiŋrje mastankanni migunla snyiŋrje mithob. Innaŋ galtes khyozhagunni zhanmagunla snyiŋrje stante yodna, Konchoggi khyozhagunlaŋ, thimscaddi zhagga snyiŋrje stanna dzadin.

^a**2:8** ibo ni zhalchad snyiŋpe thimssi specha taŋpo yaŋna Mozessi specha sumpe 19:18 naŋŋa yodte innog.

^b**2:11** ibo ni zhalchad snyiŋpe Mozessi specha nyispe 20:14 taŋ thimssi specha nyispa yaŋna Mozessi specha ŋape 5:18 gunni naŋŋa yodte innog.

^c**2:11** ibo ni zhalchad snyiŋpe Mozessi specha nyispe 20:13 taŋ thimssi specha nyispa yaŋna Mozessi specha ŋape 5:17 gunni naŋŋa yodte innog.

Laglen medkanni tatpabo tonmed innog.**2:14 ne 26**

¹⁴ De spun tañ spunmo gun, galtes khyozhe zerna ñe tatpa coad innañ tebo laglenni nañña khyoñña medna, ci phanthogs? Ci tetsogssi dadpe khyozhagun skyobinna? Miskyob. ¹⁵ Sperna khyozhagunni zagyu ya gongyu medkanni spun ya spunmozhig thoñste, ¹⁶ khyozhaa ciggi khoa zerin, "Juhe ðonmo coste ðañðañ zoste khamzañ zhide nyampo zhugs", innañ khoa zagyu ya gongyu matañña, khyorañji khoe phia ci zañpo coste in?

¹⁷ Tenna tsogsla laglen medkanni tatpa cigpo shite innog.

¹⁸ Ta khaciggi i labzhe gyabgal coste zerşidces innog, "Mi khacigga tatpa yañ khacigga las zañpo cocespo yodkyag." Innañ ñe zerin, "Galtes khyorañji laglen macona, kazuggi khyorañña tatpa yodkanbo ñaa stan thubin? Ðarañji laglen gyudte ñe tatpabo khyorañña stanin."

¹⁹ Khyorañji zerin, khyorañña tatpa yod, ciazerna Konchog cig zhugste inkanbo khyorañji idshes coanog. Gyalla rag! Rdudgunniañ, teboa tatpa coanog yañ khoñña jigste darranog. ²⁰ Khyorañ tsamshiggi samba medkanzhig in. Ci laglen macokanni tatpa phanmithogs inkanbo khyorañña thoñña midugga?

²¹ Ðadañgunni phamespo Abrahamma, Konchoggi khorañji tatpa laglenni nañña khyoñcespoe mi ðañpozhiñ thea madzadsa, nam khoe khorañji butsha Isak chodthiika chodpa phulkyis yodpin? ²² Ci tatpa tañ laglen gunni nyampo las cocespo Abraham gyudte, khyozhe mathoñña? Khoe laglenboe, khoe tatpabo ðañða ðubcugste innog. ²³ Dampe suñrabssi nañña "Abrahammi Konchoggika idshes cospa, khoñji khoa mi ðañpozhiñ thea dzads"^d Molkan nañzhinla cuñste innog, matshad khoa Konchoggi dzaoañ zhuadpin. ²⁴ Khyozhe ñadañgun Konchoggi skundunla tatpa cigpo manpa, tatpa tañ laglen nyisko gyudte ðañpo theadzadcespo mathoñña?

²⁵ Tenna tsogsla zugstsoñma Rahab zerkanboañ, khorañji laglengun gyudte, Konchoggi skundunla ðañpo thea madzadssa, nam khoe Israelli magmi nyisko khoñji ðaogunni kane vaste zhanyañ lam sosozhigne khamzañ lamcugs. ²⁶ Ugs medkanni zugspo shite inkan tsogsla laglen medkanni tatpaboañ, shikan tsogs innog.

^d2:23 ibo ni zhalchad snyinpe gozug zerkanni speche 15:6 nañña yodte innog.

Lce cunte borces.**3:1 ne 12**

3¹ De spungun, khyozhaa maṅpoe chostshogssi naṅṅa gergan gyurin samte rewa co magos, ciazerna Konchoggi ṅadaṅ labkangunla zhanmagunni saṅ maṅṅa thimscad coa dzadcespo, khyozhaa gyusinnog. ² Ona, ṅadaṅ tshaṅme skyon maṅpozhiḡ coanog. Galtes mizhiḡḡi zerkan tshaṅma skyonmed yodpinna, kho dzomspozhiḡ yodḡo, yaṅ khoe naslug tshaṅme naṅṅa raṅsems cunte borthubbaddo.

³ Ste khe naṅṅa yodkanni ṣabspo gyudte ṅadaṅḡun karu chen samnaṅ, teru stabo ṡhidte khyer nyannanog. ⁴ Tenna tsogsla shedcan luṅspoe rilin yodkan te ṡuziṅ chenmobaṅ ṡuziṅḡi jugga yodkanni shiṅ chuṅunbo nyampo, ṡuziṅ ṡulkanboe karu ṡulte khyerin samnaṅ, khyer nyannanog.

⁵ Tenna tsogsla lcebo ṅadaṅḡi zugspoe khag chuṅunzhiḡ innaṅ, iboe phosocanni spere mi maṅpozhiḡḡa nodskyal nyannanog, kazug metsag chuṅunzhiḡḡi nagstshogs chenmozhiḡ mea sparyanin. ⁶ Lcebo ni me tsogs innog. Zugspoe yanlaggunni ṡone lcebo ni, ṅanpa gaṅskanni nassashig innog. Iboe zugspo gaṅpo tshitu gyur cugste, khoe mitshe gaṅpoa me bar cugganog, ciazerna lcea me sparkanbo nyalwe me innog.

⁷ Mia semscan, ca, rgalciggi rigs taṅ, tshoe naṅṅa nya chenmo snatshogs gun, khoranḡunni waṅḡi yogga khyoṅ nyannanog. ⁸ Innaṅ suzhiggaṅ lcebo, khoranḡi waṅḡi yogga khyoṅ manyanna innog. Ibo ni dug mane manyankanni ṅanpa, shicugkanni tuggi gaṅste yodte innog. ⁹ ḡadaṅḡunni inna lce nyampo ṅadaṅḡi Tsoo, yab Konchogga stodpa phullanog. Innaṅ tenna lce nyampo Konchoggi khoṅraṅ tsogs coa dzadkanni migunla rṅan tabbanog. ¹⁰ Yaṅ stodpa taṅ rṅan tabces nyisko, tenna khe naṅṅe biṅṅanog. Denba ḡe spun taṅ spunmo gun, tetsogs cha magos. ¹¹ Ci chumigshiggi naṅṅe chu lagmo taṅ tshaku nyisko biṅṅinna? ¹² De spun taṅ spunmo gun, ci phiggi khazassi lcaṅme kane oliw ya rḡunni khazassi lcaṅme kane phig smininna? Mane mismin. Tenna tsogsla khyozhagunni chumiggi chu tshakui naṅṅe chu lagmo phiṅ minyan.

Denbe shesrabs Konchogne cuṅṅanog.**3:13 ne 18**

¹³ Khyozhagunni ṡone shesrabscan taṅ hagocanbo su in? Tetsogs inkanni miboe, shesrabsne yoṅkanni pasmo nyampo las coste mitshe zaṅpozhiḡ phudte

stonshig. ¹⁴ Innaj galtes khyozhe semssi nanja şante tshigsces tañ rañdod yodna, shesrabsan stanin rañstod tañste Konchoggi denbe labzhe gyabgal maco.

¹⁵ Tetsogssi shesrabs Konchoggi chogsne mayonna, jigstenpa tatpa medkangunni samtshul tañ rdud gunne yoñnanog. ¹⁶ Karu tshigces tañ rañdod yod, teru hiliñs tañ tshirka medkan yañ ñanpe rigs tshañma yodte innog.

¹⁷ Innaj Konchogne yoñkanni shesrabspo ni, tañporañ sems lagmo, tene zhidea thadkan, sems bolmo yodkan, waññi yogga duggala thadkan, snyinrjee gañskan, las zañpo cokan, chogris macokan tañ khachos macokan gun innog. ¹⁸ Mi parla zhide khyoñkangunni zhanmagunni semssi nanja zhidee saon tabbanog, yañ ñanpoe stonthog ñanog.

Konchoggi nyemoa yoñces.

4:1 ne 10

4 ¹ Khyozhagunni toa dziñmo tañ nolces gun cii zhaste yoñdug? Ci tegun khyozhagunni dodpagunni kane yoñña manogga, kagun khyozhe gyabgalla nolin yod? ² Medkangun khyorañña gos pasañ, tebo thobcessi phia saddanog. Zhanmagunla yodkanboeka khyorañña dodpa şante yodte tebo mathob pasañ, khyoraññi khoñgun nyampo dziñmo tañste nollanog. Khyoraññi dodpa yodkangun khyorañña medpa innog, ciazerna khyoraññi teboephia Konchogga zhuwa maphulla innog. ³ Yañ khyoraññi zhu zane, khyorañña thobba manog ciazerna khyoraññi ton ñanpa nyampo zhuste innog, kabo khyoraññi rañña skyidpo thobcessi nanja kollanog.

⁴ Tatpa medkanni migun, jigstenni inkangunla yasha cocespo Konchogga naphrad coste inkanbo, khyozhagunla gyusmedda? Yañskyar zerrad, jigsten nyampo dzao coces ldamkangun Konchoggi ñao gyurte innog. ⁵ Khyozhe dampe suñrabssi nanja "Konchoggi ñadañgunni nanja semsnyidpo salla dzad pasañ, khoññi ñadañgun khoñ cigpoe incespoa maşante thugsdod dzaddanog" molkanboa tontag medkyag samma ragga? ⁶ Innaj tetsogssi dodpa ñanpe gyabgal cothubcesla khoññi ñadañgunla thugrje mañña salte innog, kazuggi dampe suñrabssi nanja molte dug.

"Konchoggi phoso cokangunla gyabgal coa dzaddanog,
Innaj pasmo yodkangunla thugrje salla dzaddanog."^e

^e4:6 ibo ni zhalchad snyinpe tamspe zerkanni speche 3:34 nanja yodte innog.

⁷ Konchoggi skundunla ranđanraŋ khoŋŋi waŋŋi yogga borshig, yaŋ rdudgunni gobe gyabgalla nolshig, tene kho khyozhe kane shorte chen. ⁸ Galtes khyozhaa Konchoggi nyemoa yoŋna, tene Konchog khyozhagunni nyemoa skyodin. Khyozhaa sdigcangunni raŋŋi lagpa thusshig, yaŋ jigsten taŋ Konchog nyiskoe gyabne đulkangun, khyozhe sems stsaŋma coshig. ⁹ Sems skyomo coste, sdugpo coin ŋushig. Habgoddi tshabsla sdugpo yaŋ skyidpoe tshabsla skyomo coshig. ¹⁰ Ranđanraŋ Tsooe skundunla pasmo cos, tene khoŋŋi khyoraŋŋa stsiwa tagpo salla dzadin.

Zhanmagunla thimscad taŋcessi gyabgalla ldamzhag.

4:11 ne 12

¹¹ Cespe spun taŋ spunmo gun, cig taŋ ciggi gyabgalla spera ŋanpa mataŋshig. Galtes khyozhagunni cig taŋ ciggi gyabgalla spera ya, thimscad taŋna, khyozhagunni zhanma cessa cocessi thimspoe gyabgalla spera taŋ thimscad taŋste innog. Khyozhagunni thimscad taŋna, khyozhagun thimspoa khaa manyankan, yaŋ thimspoon gyurte ŋe phia te thimspo manog zerranog. ¹² Konchog cigpo ni, thims salkan taŋ thimspoon zhugste innog. Khoŋ cigpoa skyobces ya migun nyalwe naŋŋa phaŋŋa dzadcessi waŋ yodte innog. Tene zhanmaa thimscad taŋkan khyozhaa su in?

Phosoi gyabgalla ldamzhag.

4:13 ne 17

¹³ "Ma gyogspa, ŋazhagun gyalsa soŋte tusbanshig dugste tshoŋ coste pene maŋpo coin" zerkangunni nyonshig. ¹⁴ Khyozhe mitshee naŋŋa thore ci cuŋin, khyozhaa ci gyusyod? De khyozhagunni mitshebo ci nyampo ldur? Ibo ni ŋatoggi mamun tsogs innog kabo tus nyuŋunzhig mane lussa manog. ¹⁵ Khyozhagunni zergos, "Galtes Tsooe thuggoŋs yodna, ŋadaŋgunni mitshee naŋŋa ibo ya tebo coin." ¹⁶ Te manna, khyozhagunni ranđanraŋŋi thabsldiŋsgunni naŋŋa phoso coste innog, yaŋ tetsogssi phosogun ŋanpa innog.

¹⁷ Galtes suzhigga khoranŋi cogoshessi las zaŋpogun gyusyodtean macona, khoe sdigpa coste innog.

Chugpogunla Idamzhag.

5:1 ne 6

5 ¹ Mi chugpogun nyonshig, chima tañin ñusmañ toñshig, ciazerna khyozhagunla şante nags tañ bardo thoñin. ² Khyozhagunni gyunorgun rulte, yañ khyozhe rincan Kosgunla butsig tabste innog. ³ Khyozhagunni ser tañ mul gun rinmed gyurte innog. Khyozhe rewa borkanni tenna gyunorboe me tsogsla khyozhe shagun zoste khyozhaa medkan coin. Thimscaddi zhagga, khyozhe sagste borkanni tenna gyunorgunni khyozhe sdigpe spañpo tañin. ⁴ Ta zhiññika las cokanni lache nañña khyozhe gobskor tañkangunni kuco tañ ñuces gunla nyonshig, khyozhe matañña borkanni te lachagunni, khyozharaññi gyabgalla spañpo tañin innog. Khyozhe zhiññakangunni kuco tañ ñuces gun, namkhe magmi Tsoo Konchoggi sanna dzadte innog.

⁵ Khyozhagunni i jigstennika nor mañpo tañ rañraññi dodpa yodkan tshañma ðañða ðubcugin mitshe phudte innog. Rama tañ lug gun sadcessi phia gyagspa chacugces tsogsla khyozhagunniñ sadcesla khyozharañ gyagspa chacugste innog. ⁶ Khyozhagunni noñsmedkanni migun sadcessi thimscad tañste saddanog, kagunni khyozhe gyabgal macos.

Zodpa gomces.

5:7 ne 18

⁷ De cespe spun tañ spunmo gun khyozhagun Tsoo Yesu logste skyodces tshogpa zodpa nyampo şuñste dugshig. Zhiñbadpa stosshig, kabo ston tañ spid nyisko zodpa nyampo charpaa şuñste khoraññi rincan stonthoggun tshoste rñala riñssad. ⁸ Khyozhagunniñ zodpa coste snyiñgunla spospa skyecugshig, ciazerna Tsoo Yesu logste phebsnessi tuspo nyemoa lebste innog.

⁹ Spun tañ spunmo gun, cig tañ ciggi gyabgalla zergyu matañshig. Galtes tañna Tsoo Yesu mashike khyozhagunla thimscad salla dzadin. Stosshiggañ thimscadkanbo goe dunla zhañste dug.

¹⁰ Spun tañ spunmo gun, sdugsñalli naññañ zodpa nyampo Tsoo Konchoggi waññi nañña spera salkanni luñstonpagun spezhiggi tshulla stosshig. ¹¹ Khyozhagunla gyus innog, Konchoggi zodpa nyampo sdugsñal khurkangunla cinlabs salla dzadte innog. Sperna snyiñruscanni mi Yobba, Tsoo Konchoggi stiñjugpoeka şjanni sañ

mamaŋpo salla dzadskanboe skorla khyozhagunni tshorte innog. Tsoo ni thugrje taŋ snyiŋrje gaŋste innog.

¹² Innaŋ ŋe spun taŋ spunmo gun, tshaŋmesaŋ khagcanbo, namkhaa ya jigsten ya zhan cizhiggiaŋ naa mane makhurshig. Teboe tshabsla khyozhagunni inna in, ya manna man zershig, te mane khyozhagunla thimscad phogin.

¹³ Ci khyozhe ʔone suzhig sdugpoe naŋŋa yodda? Tene Konchogga moslam zhushig. Ci khyozhagun thadpo inna? Tene Konchogga stodpe lu phulshig. ¹⁴ Ci khyozhe ʔone suzhigga zumo yodda? Tene khyoraŋŋi chostshogssi uskyoŋgunla bod, yaŋ khoŋgunla khyoraŋŋa Tsooe tshan waŋcanni naŋŋa mar skuste moslam zhucugshig. ¹⁵ Tetsogssi moslam tatpa nyampo phulkanboe nadpo gyalte Tsooe khyoraŋ phancugga dzadin. Galtes khyoraŋŋi sdigpa coste yodnaŋ khyoraŋŋa shagspa salla dzadin.

¹⁶ Khyozhagun gyalcessi phia khyozhe sdigpagun shadte cig taŋ ciggi phia moslam zhushig. Mi ʔaŋpoe moslam phulkanboa maŋaŋte khyud yodte ʔasbu halasshes sminnanog. ¹⁷ Luŋstonpa Eliya idtu cosshig, khoŋ ni ŋadaŋ tsogsla mizhig zhugste inpin. Nam khoŋŋi snyiŋne Konchogga Israelli naŋŋa charpa mibabsshesla moslam phulpa, lo sum naŋ phed charpa mababs. ¹⁸ Tene yaŋskyar khoŋŋi charpa phabcesla moslam phullacig, charpa babste seka stonthogs smin.

Tatpa storkan dadpe naŋŋa logste khyoŋces.

5:19 ne 20

¹⁹ Ŋe spun taŋ spunmo gun, galtes khyozhagunni ʔone suzhig Konchoggi denbe lammi kane nurte soŋte, zhanmazhiggi kho dadpe naŋŋa logste khyoŋste yodna, ²⁰ logste khyoŋkanboe te sdigcanbo nyalwe naŋne tharcugste sdigpa maŋpozhiŋgi kane shagspa thobcugskanbo khyozhagunla tantan gyus yoŋgos.